

MÓJ WID

Rozum je dobył

Su hosćo posedženja Serbskeho sejma sobotu w Čisku snano dožiwili, zo započina so poměr mjez Serbskim sejmom a Domowinu normalizować? Wuwjedženja župana župy „Handrij Zejler“ Wojerecy su k tomu bjezdweła přinošowali. Jeho słowa „Zjawnosć za ćahańcu mjez Domowinu a sejmom žane zrozumjenje nima“ wotbłyščuja přenjorjadnje wid teje župy, dze-li wo to serbsku rěč a kulturu zachować a dale wuwic. Ale tež we wšěch druhich Domowinskih župach maš ludźi, kotřiž tak abo podobnje mysla. Wojerowska centralnje leži a ma wšitke tamne teritorialne župy za susodki. Dojednanje z Čiska, konkretne nadawki zhromadnje zmištrować chcyć, je poprawom diktowane wot wobstejnosćow. Serbam žana šansa njezbywa: Za zachowanje serbskeje rěče a kultury měła kóždy móc witana być, angažowaca so za přichod našeho ludu. Wo „małym historiskim wokomiku“ nochcył tu hišće rěčeć. Najprjedy raz pak je rozum dobył, wšo dalše ma slědować. ■ Axel Arlt